

四庫全書

史部

欽定四庫全書

史部

萬壽盛典初集卷十一至
四

詳校官宗人府府丞_臣寶光纂

編修_臣程嘉謨覆勘

總校官知縣_臣楊懋珩

校對官編修_臣沈清藻

謄錄監生_臣陳觀龍

欽定四庫全書

萬壽盛典初集卷十一

典禮二

鑾儀一

康熙五十二年三月十七日甲午

上白

暢春園還

宮設鹵簿大駕

乘涼步輦時遠方臣民結綵棚慶祝

萬壽夾道數十里咸得瞻依

儀仗仰觀

天顏慶為希邁焉

三月十六日鑾儀衛啓奏本月十七日

皇上進宮時將涼步輦備於正門前自

景山西門坐轎進

神武門入

宮臺輦校尉派作十班

鑾駕自

暢春園正門起擺至西華門外止立於兩邊

皇城下玉輅等輦及駝寶象亦預先在

皇城下遠遠擺立又奉

旨朕十八日駕行鑾駕既擺殿前駕行時恐擺不及停
其擺設欽此出外

鑾駕

殿前不擺

駕行時擺設預備十六人亮轎等因繕摺交與奏事治儀正僂子員外郎雙全等轉奏奉

旨依議

大駕鹵簿先開路象四分列道左右

次寶瓶象五繡韉金鞍上負寶瓶道左右各一中道一又左右各一

次大馬輦一乘高一丈二尺五寸九分濶八尺九寸五分輦上平盤板前後車櫺并雁翅及四

垂如意滴珠板其下轆三條皆硃紅漆轆各長
二丈五寸九分用鍍金銅龍頭龍尾龍鱗葉片
裝釘前施硃紅油馬搭攀皮一條平盤左右下
護泥板及車輪二貫軸一每輪輻十有八條皆
硃紅漆周圍輞全各以抹金釵花銅葉片裝釘
輪內車心各一用抹金銅釵蓮花瓣輪盤裝釘
軸首左右各用鍍插拴一箇以抹金銅釵龍頂
管心裝釘軸中纏黃絨駕轆等索面至地三尺

四寸五分輦亭高六尺四寸九分硃紅漆四柱
各長五尺五寸四分檻座高九寸五分其上四
周木雕沉香色描金雲板十二片其下亦如之
門高五尺九分濶二尺四寸五分左右門濶二
尺二寸五分前并左右各槩二扇後槩三扇明
杪全皆硃紅漆抹金銅釵花葉片裝釘槩心編
黃線絛穿亭內編黃線絛穿硃紅漆匡軟座黃
線墜座大索四條座下蓮花墜石軟座上施素

毯草席并紅織金綺褥硃紅漆座椅一座其上
靠背雕沉香色描金雲龍一下雕雲板一片硃
紅漆黃織金綺鞦福壽板一并衣椅中黃織金
綺靠坐褥四圍椅裙全周圍施黃綾幃幔亭外
用青綺緣邊硃紅簾十扇各用拽簾圓絛二條
黃銅圈全輦頂并圓盤高二尺六寸五分又鍍
金銅蹲龍頂帶仰覆蓮座高一尺二寸九分垂
攀頂黃絨索四條盤上下俱硃漆以青飾輦蓋

內寶蓋硃紅漆木匡闔以八頂冒以黃綺謂之
黃屋頂心并周圍繡五彩雲龍九天輪三層皆
硃紅漆上安雕木貼金龍耀葉板計八十一片
三層間繪五綵雲襯板八十一片盪下周圍黃
銅裝釘上施金黃綺瀝水三層每層八十一摺
間繡五彩雲龍文四角垂青綺絡帶四條各繡
五彩雲升龍三圓盪四角連輦座板用攀頂黃
線圓綵四條并貼金木魚輦亭前一字闌干一

後一字帶轉角闌干一左右闌干二內嵌綠環
板皆硃紅漆四扇計一十四柱各柱首雕木貼
金蹲龍一用描金五彩粧蓮花抱柱闌干內施
素毯草席太常旗二面在輦亭後左右用黃雲
緞夾為旗每面十二旂每旂內外繡升龍一硃
紅漆攢竹旗竿二左竿旗腰繡日月北斗竿首
用鍍金銅龍頭右竿旗腰繡紱字竿首用鍍金
銅戟每竿綴抹金銅鈴二垂紅纓十有二纓上

施抹金銅寶蓋下垂青線帔踏梯一木質硃
紅漆以抹金銅釵花葉片裝釘行馬駕二木質
硃紅漆上穿黃絨匾繚以抹金銅釵花葉片裝
釘硃紅油合扇梯一副硃紅油拓叉一件駕白
馬八匹鞍韉鞦轡鈴纓全列道左 小馬輦一
乘高一丈一尺五寸九分濶七尺九寸五分輓
二條各長一丈九尺五分輦亭高五尺五寸九
分硃紅漆四柱各長五尺四寸五分檻高一寸

四分上四圍雕沉香色描金雲板十二片下如
之門高五尺濶二尺二寸五分左右門濶二尺
一寸九分前并左右各硃紅漆槓二扇明欵全
抹金銅釵花葉片裝釘槓心編黃線絛穿後硃
紅漆屏風雕沉香色描金雲龍五沉香色描金
雲龍絛環板三雲板三周圍俱抹金銅釵花葉
片裝釘亭底硃紅漆板上施素毯草席紅織金
綺褥坐椅上靠背雕沉香色描金雲龍一下雕

雲板一片硃紅漆福壽板一并衣椅中黃織金
綺靠坐褥四圍椅裙全周圍施黃綾幃幔亭外
用青綺緣邊硃紅簾四扇各用拽簾黃綠圓絛
二條黃銅圈全輦頂并圓盤高二尺五寸五分
又鍍金銅寶珠頂餘制同大馬輦駕白馬四匹
列道右

次玉輅一乘高一丈三尺九寸五分濶八尺二
寸五分輅上平盤前後車櫺并雁翅及四垂如

意滴珠板其下轆二條皆硃紅漆轆各長二丈
二尺九寸五分鍍金銅龍頭龍尾龍鱗葉片裝
釘前施硃紅油象搭攀皮一條平盤左右下護
泥板及車輪二貫軸一每輪輻十有八條皆硃
紅漆周圍輞全各以抹金銅釵花葉片裝釘輪
內車心各一用抹金銅釵蓮花瓣輪盤裝釘軸
首左右各用鍍插拴一箇以抹金銅釵龍頂管
心裝釘軸中纏黃絨駕轆等索面至地四尺一

寸五分輅亭高六尺七寸九分硃紅漆四柱各
長五尺八寸四分前二柱有瀝粉貼金升龍檻
座高九寸五分門高五尺一寸九分濶二尺四
寸九分左右門濶二尺二寸五分其上四周裝
雕木沉香色描金香草板十二片前并左右各
硃紅漆楹二扇明欵全俱以抹金銅釵花葉片
裝釘楹編黃線緋穿後硃紅漆屏風上雕沉香
色描金雲龍五屏後下三楹雕木沉香色描金

雲龍三下雕雲板如其數俱抹金銅釵花葉片
裝釘亭內編黃線絛穿硃紅漆匡軟座黃絨垂
座大索四條座下蓮花墜石軟座上施花毯草
席并大紅織金綺褥硃紅漆坐椅一座其上靠
背雕以沉香色描金雲龍一下雕雲板一片硃
紅漆福壽板一并衣椅中黃織金綺靠坐褥四
圍椅裙全周圍施黃綾幃幔亭外青綺緣邊硃
紅簾一十扇各用拽簾黃線圓絛二條黃銅圈

全輅頂并圓盤高三尺一分又鍍金銅蹲龍頂帶仰覆蓮座高一尺二寸九分垂攀頂黃絨索四條盤高二寸上以硃紅漆其下外四面沉香色地描金雲青飾輅蓋亭內周圍貼金斗拱承硃紅漆匡寶蓋鬪以八頂冒以黃綺謂之黃屋頂心并周圍繡五彩雲龍九天輪三層皆硃紅漆上安雕木貼金龍耀葉板八十一片三層間繪五彩雲襯板八十一片盤下周圍黃銅裝釘

上施金黃綺瀝水三層每層八十一摺間繡五
彩雲龍文四角垂青綺絡帶四條各繡五彩雲
升龍三圓盤四角連輅座板用黃線攀絛四條
併貼金木魚輅亭前有左右轉角闌干二扇後
一字帶左右轉角闌干一扇皆硃紅漆內嵌雕
木貼金龍間以五彩雲三扇計一十二柱各柱
首雕木貼金蹲龍一及描金五彩粧蓮花抱柱
闌干四周布花毯草席太常旗踏梯合扇梯拓

又俱同輦制引以一象貼金銅寶瓶并木雕貼
金仰覆蓮座雕花番草貼金象鞍鞅轡韁籠全
列道左 大輅一乘制同玉輅惟平盥下方箱
四面硃紅漆匡前後十有二榻內飾青地繪五
彩雲鶴左右八榻內飾上青下綠地繪獸六麟
獅犀象天馬天鹿禽六鸞鳳孔雀朱雀堆鸛輅
亭前二柱戢金雲龍文下山水亭後硃紅漆屏
風屏前上三榻雕沉香色描金雲龍五上硃紅

漆板戗金雲龍一中三榻沉香色描金龍三下
三榻描金雲板如其數屏後上三榻硃紅漆戗
金龍三其次戗金雲板如其數中三榻硃紅漆
戗金龍四其次沉香色描金雲板亦如其數下
三榻沉香色雲板亦如之其制為稍異引以象
一列道右

次靜鞭四校尉執之道左右各二

次紅燈一對紅油竹燈骨銅盥外以紅紗蒙之

硃漆竿貼金龍頭尾

次鼓二十四面木匡紅油冒以草面徑一尺五寸五分面匡俱泥金描畫五彩雲龍硃紅攢竹架紅緞鼓衣綠緞瀝水銷金雲龍

次金二面以銅為之徑一尺八寸

次杖鼓四面木匡高一尺六寸五分黑漆泥金描畫寶相花面徑一尺冒以草畫五色渠花鍍圈銅鈎連以黃絨縵紅緞鼓衣綠緞瀝水銷金

雲龍

次板四串花梨木板各六長一尺四寸厚五分
上濶二寸五分下濶二寸八分板面泥金畫五
彩雲龍綠皮掩錢黃線絛總

次龍頭笛十二管截竹為之六竅長一尺七寸
繫五色線流蘇

次紅燈一對制同前

次金二面

次鼓二十四面

次畫角二十四枝木質空心長五尺四寸六分
徑三寸六分上下貼金銅口箍中間纏貼金藤
箍五黑漆地泥金畫雲龍海馬四季花

次金鉦四面銅質木匡銅環黃絨綆繫鉦於匡
鉦徑九寸五分

次小銅號八枝筒長二尺三寸五分座高一尺
九寸五分口徑四寸二分繫紅黃線絛總

次大銅號八枝筒長一尺七寸五分座高一尺三寸口徑六寸三分繫紅線綠總

次紅燈一對制同前

次金鼓旗一對黃質中銷金為滿漢金鼓字

次肅靖旗一對黃質長四尺五寸濶七尺五寸

中銷金為滿漢肅靖字紅油薰竹竿長一丈五

尺一寸五分間纏以藤下用鍊箍上用鍍金銀

頂飾以紅纓

自此至五色龍纛其竿頂纓頭尺寸款式俱同惟北斗旗用黑纓頭

執旗校尉俱紅花袍步行下同

次御杖一對硃漆攢竹為之長六尺八寸五分
兩頭貼金銅箍各長一寸六分自開路象至此
是日先陳列西安門外

次篋頭四對以竹為之硃漆柄飾黃油長五尺
三寸濶三寸執事人俱紅花衣下同列為四隊
凡二對以上每對為隊

次吾杖一對攢竹為之硃紅漆瀝粉貼金花雲

二段長七尺七分兩頭貼金銅箍各長一寸八

分

次立瓜三對硃漆攢竹竿貼金銅箍刻木為瓜
立置於上承以龍頭共長七尺二寸瓜及龍頭
長七寸三分貼金飾

次卧瓜三對制同立瓜但以瓜卧置其上承以
龍頭共長六尺九寸二分瓜及龍頭長五寸五
分

次星三對硃漆攢竹竿長六尺一寸貼金銅箍
星頭刻木為六瓣玲瓏香草承以龍頭星頂及
龍頭長一尺一寸六分六角粘星珠貼金飾

次金鉞三對硃漆攢竹竿貼金銅箍刻木為斧
形承以龍頭置於竿首上出鎗頭八寸五分共
長八尺八寸四分內斧及鎗頭長一尺七寸五
分貼金飾

次青小旗二對藍質銷金雲龍文濶三尺三寸

長二尺五寸攢竹竿鍊襪共長九尺六寸五分
畫三色金龍上安鍍金鎗頭長一尺一寸外用
鎗冒長一尺三寸黃油地畫五色雲龍飾以紅
纓

次赤小旗二對紅質

次黃小旗二對黃質

次白小旗二對白質

次黑小旗二對皂質制俱同青小旗

次白澤旗一對紅質長六尺六寸濶二尺九寸
銷金為白澤一飛形一走形及滿漢白澤二字
次門旗四對紅質中銷金為滿漢門字餘同白
澤制

次日旗一面藍質銷金為日形及滿漢日字月
旗一面藍質銷金為月形及滿漢月字

次風旗一面藍質銷金為箕星四及滿漢風字雲
旗一面藍質銷金為雲文及滿漢雲字

次雷旗一面藍質銷金為雷文及滿漢雷字雨
旗一面藍質銷金為畢星八附耳一星在旁及
滿漢雨字

次木星旗一面青質銷金為木星一及滿漢木
字火星旗一面赤質銷金為火星一及滿漢火
字

次土星旗一面黃質銷金為土星一及滿漢土
字

次金星旗一面白質銷金為金星一及滿漢金字水星旗一面黑質銷金為水星一及滿漢水字

次角宿旗一面銷金為角宿二及滿漢角字

自此

至軫宿旗皆藍質

亢宿旗一面銷金為亢宿四及滿漢

亢字

次氐宿旗一面銷金為氐宿四及滿漢氐字房宿旗一面銷金為房宿四鉤鉉二小星在旁及

滿漢房字

次心宿旗一面銷金為心宿三及滿漢心字尾
宿旗一面銷金為尾宿九神宮小星一及滿漢
尾字

次箕宿旗一面銷金為箕宿四及滿漢箕字斗
宿旗一面銷金為斗宿六及滿漢斗字

次牛宿旗一面銷金為牛宿六及滿漢牛字女宿
旗一面銷金為女宿四及滿漢女字

次虛宿旗一面銷金為虛宿二及滿漢虛字危
宿旗一面銷金為危宿三及滿漢危字又四星
在下

次室宿旗一面銷金為室宿二離宮六星在旁
及滿漢室字壁宿旗一面銷金為壁宿二及滿
漢壁字

次奎宿旗一面銷金為奎宿十六及滿漢奎字
婁宿旗一面銷金為婁宿三及滿漢婁字

次胃宿旗一面銷金為胃宿三及滿漢胃字昂宿旗一面銷金為昂宿七及滿漢昂字

次畢宿旗一面銷金為畢宿八附耳一星在旁及滿漢畢字觜宿旗一面銷金為觜宿三及滿漢觜字

次參宿旗一面銷金為參宿七玉井四小星在左足下伐三星在內及滿漢參字井宿旗一面銷金為井宿八鉞一星在旁及滿漢井字

次鬼宿旗一面銷金為鬼宿四白氣在中及滿
漢鬼字柳宿旗一面銷金為柳宿八及滿漢柳
字

次星宿旗一面銷金為星宿七及滿漢星字張
宿旗一面銷金為張宿六及滿漢張字

次翼宿旗一面銷金為翼宿二十二及滿漢翼
字軫宿旗一面銷金為軫宿四長沙一星在中
左右轄二星在旁及滿漢軫字

次北斗旗一面黑質銷金為北斗星七輔星一
在旁及滿漢北斗二字東嶽旗一面青質銷金
為山形及滿漢東嶽二字

次南嶽旗一面赤質銷金為山形及滿漢南嶽
二字中嶽旗一面黃質銷金為山形及滿漢中
嶽二字

次西嶽旗一面白質銷金為山形及滿漢西嶽
二字北嶽旗一面黑質銷金為山形及滿漢北

嶽二字

次江旗一面赤質銷金為水文及滿漢江字河旗一面白質銷金為水文及滿漢河字

次淮旗一面青質銷金為水文及滿漢淮字濟旗一面黑質銷金為水文及滿漢濟字

次青龍旗一面青質銷金為青龍形雲文及滿漢青龍二字白虎旗一面白質銷金為白虎形雲文及滿漢白虎二字

次朱雀旗一面赤質銷金為朱雀形雲文及滿漢朱雀二字神武旗一面黑質銷金為龜蛇形雲水文及滿漢神武二字

次天鹿旗一面赤質銷金為天鹿形雲文及滿漢天鹿二字天馬旗一面赤質銷金為天馬形雲文及滿漢天馬二字

次鸞旗一面赤質銷金為鸞形雲文及滿漢鸞字麟旗一面赤質銷金為麟形雲文及滿漢麟

字

次熊旗一面赤質銷金為熊形雲文及滿漢熊
字罷旗一面赤質銷金為罷形雲文及滿漢罷
字

次青龍纛二對濶七尺五寸長五尺銷金雲龍
文

次赤龍纛二對

次黃龍纛二對

次白龍燾二對

次黑龍燾二對制俱同青龍燾

次儀鎧氅四對硃漆攢竹竿上楠木貼金龍頭
下鑲鎡箍共長八尺九寸五分龍口含竹節中
穿菊花餅貼金旛頭縫五色羅為氅長六尺五
寸寬六寸五分綴銅鈴五箇

次黃麾一對硃漆攢竹竿下鑲鎡箍長一丈九
寸貼金銅鵝項龍頭銅鉤攜銅索天盤銷金五

色羅寶蓋三簷瀝水四角龍頭以綠絨繩繫貼
金八寶銅佩十六件間銅鈴三十六箇中垂紅
羅幡長六尺五寸濶六寸五分中節黃羅繡荷
葉蓋蓮花座及黃麾二字下綴五色橫板

次絳引幡二對制同黃麾

自此至政平
訟理幡俱同

但用五

色羅為幡無字

次告止幡二對繡告止二字

次傳教幡二對繡傳教二字

次信旛二對繡信字

次政平訟理旛一對繡政平訟理四字

次豹尾旛二對硃漆攢竹竿長一丈八寸五分
繫貼金銅蓮花帽襯以鑲金綠皮四角綴銅鈴
中垂豹尾

次羽葆幢二對硃漆攢竹竿上貼金銅鵞項龍
頭銅鉤攜銅索天盤下鑲鍍箍共長一丈九寸
五分懸銷金五色羅寶蓋二簷瀝水下垂紅纓

毬五箇紅線綠穿挂每毬上用貼金銅帽襯以
綠皮帽各六角綴銅鈴

次青龍幢一把制同羽葆幢但用青素紗繡青
龍形為衣籠之衣長八尺濶二尺六寸其中懸
紅纓毬五箇每毬覆以組花襯鑲金綠皮帽白
虎幢一把制同青龍幢但用白素紗繡白虎形
為衣籠之

次金節二對硃漆攢竹竿長一丈八寸二分黃

素紗繡雲龍為衣綠皮毬帽四角綴銅鈴餘制
同青龍幢

次朱雀幢一把紅素紗繡朱雀形為衣神武幢
一把皂素紗繡神武形為衣餘同青龍幢

次龍頭竿旗二對硃漆攢竹竿下鑲鍍箍共長
九尺九寸五分雕楠木龍頭口含金戟龍頭出
橫木攜銅索天盤五色羅寶蓋三簷瀝水四角
繫貼金八寶銅佩十六件綴銅鈴三十六箇中

垂青羅幡長六尺五寸濶六寸五分綴銅鈴五箇

次御杖一對

次紅羅鸞鳳方扇八把高三尺二寸連柄共高一丈一尺三寸黑漆戣金花鳳板下濶二尺五寸二分中濶二尺八寸大紅羅面繡鸞鳳花文青羅背銷金寶珠花白羅繡雉尾邊黑漆攢竹

柄

次紅單龍扇四把扇及柄共高一丈一尺三寸
扇圓高三尺三寸濶徑三尺四寸面背皆大紅
羅面繡單龍雲文背銷金團龍花文

次紅雙龍扇八把面繡雙龍雲文餘制同單龍
扇

次黃單龍扇八把制同紅單龍扇

次黃雙龍扇十二把制同紅雙龍扇

次御杖一對

次紫方傘四把傘骨竹鍤相間三十二根頂方五尺冒以紫羅垂三簷深三尺二寸四角金龍頭線緣結四挂各長五尺四寸硃漆攢竹柄間纏以藤連金葫蘆頂共長一丈一尺二寸

次紅方傘四把制同紫方傘

次黃直柄龍傘八把傘骨竹鍤相間三十二根頂徑五尺柄及金葫蘆頭共長一丈一尺二寸冒以黃羅垂三簷頂面俱彩織九龍雲文每把

綴金鈴四十五箇硃紅攢竹柄間纏以藤紅直
柄龍傘二把紅羅為之白直柄龍傘二把白羅
為之青直柄龍傘二把藍羅為之黑直柄龍傘
二把皂羅為之制皆同黃龍傘以上五色龍傘
與瑞草傘花傘以色相間次為十四隊

次黃直柄花傘二把黃羅為之白直柄花傘二
把白羅為之黑直柄花傘二把皂羅為之俱綵
織四季花文餘俱同黃龍傘

次黃直柄瑞草傘二把黃羅為之紅直柄瑞草傘二把紅羅為之青直柄瑞草傘二把藍羅為之俱彩織瑞草餘俱同黃龍傘

次黃曲柄傘四把柄連頂長一丈一尺七寸柄曲處用錢心貼金龍頭承傘餘制同黃直柄傘以上俱校尉執之紅花衣步行

次方天戟二對硃漆攢竹竿描三色金龍長八尺一寸八分下用錢攢上用純鋼為戟長二尺

一寸一分承以鍍金龍頭執戟與下執豹尾鎗
帶弓矢背大刀共擺牙拉三十四員俱穿壽字
袍乘馬

次豹尾鎗十對硃漆攢竹竿描三色金龍下有
錢襪共長九尺八寸五分鎗頭純鋼為之長六
寸五分飾以紅纓下懸豹尾與弓刀相間列為
十層

次弓矢二十副

次大刀二十柄

次大號一對

次小號一對

次哨呐一對與上大號小號用太監六人吹之

各穿校尉紅花衣

次戲竹一對教坊樂役二人執之又護以二人

各穿羅藍夾衣

次雲鑼二架

次頭管一對

次笙一對

次笛一對

次板一串擡鼓一面自大號以下至此為教坊
司導迎樂自戲竹至擡鼓俱樂部二十八名執
事教坊司官六員穿練鵲補服領之

次馬杌一座高一尺四寸五分方一尺八寸五
分面厚一寸三分木質硃漆彩畫金雲龍鈹花

雲金葉裝釘金交椅一把面濶二尺二寸進深一尺一寸後高三尺一寸前高一尺八寸二分木質掃金罩漆鈹雲龍金葉裝釘穿以黃線匾絳四垂黃線流蘇織金黃綺褙襠金脚踏一箇濶一尺八寸四分深九寸六分高四寸三分木質掃金罩漆鈹花金葉裝釘織金黃綺踏褥

次金瓶一對

次金唾壺一箇金盆一面以上俱赤金質鈹盪

龍雲珠火燄蓮瓣花草嵌珊瑚青金松子等石
次金香盒一對

次金鑪一對以硃漆竿舉之兩末雕貼金龍頭
尾竿首釘鍍金鈎提鑪及以上攜瓶盒等校尉
十員俱紅花衣帽乘馬

次白馬十匹紅轡黃韁上施錦韉牽馬官俱蟒
袍

次內大臣十員俱蟒袍補服戴孔雀翎挂素珠

佩刀

次捧寶官一員乘馬中道

次黃曲柄傘一把執傘官蟒袍乘馬中道

次金香鑪一對提鑪官步行輦前

次涼步輦一乘高一丈一尺二寸座高二尺五寸上方七尺六寸下方七尺九寸輦座硃紅漆座板并四面硃紅漆匡雕木渾貼金雲板二十塊上貼金地雕五彩雲縹環板十二片帶仰覆

蓮座其下硃紅漆轆四條中二條各長二丈八尺五寸左右二條各長二丈六尺五寸前後俱銅鍍金龍頭尾黃線攀轆圓絛八條輦亭高五尺五寸五分方四尺八寸四柱以硃紅漆門高四尺七寸濶二尺二寸左右二門濶同其上四周沉香色描金香草板十二片前并左右各有榻二扇後榻三扇明杌全皆硃紅漆編黃線絛穿輦板上施花毯草席并紅織金綺褥硃紅漆

戲金雲龍坐椅一座坐下四面雕木沉香色描
金雲其上靠背雕沉香色描金龍一并五彩雲
下雕貼金雲板一片硃紅漆福壽板一并衣椅
中黃織金綺靠坐褥四圍椅裙全亭內設木雕
渾貼金劍山一坐足踏一箇黃緞衣全銅火鑪
一箇銅鍍金鑲嵌寶石鑪一座亭外青綺緣邊
硃紅重簾十扇各用黃線圓絛二條繫黃銅圈
捲簾輦頂高二尺五寸又鍍金銅寶珠頂帶仰

覆蓮座高一尺三寸二分垂攀頂黃絨索四條
頂用硃紅漆上冒紅氊四角以金黃氊為如意
雲黃氊緣條周圍施金黃綺瀝水二層每層一
百二十四摺間繡五彩雲龍文腰繡行龍十六
四角鍍金銅雲四朵亭內寶蓋繡五龍頂用硃
紅漆木匡冒以黃綺謂之黃屋頂心并周圍繡
雲龍各一輦亭四角至輦座用攀頂黃線圓絛
四條并貼金木魚輦亭前左右硃紅漆轉角闌

十二扇後一字帶轉角闌干二扇皆雕木玲瓏
金地五彩粧雲板十六塊四扇計一十二柱各
柱首雕木貼金蹲龍一描金五彩粧蓮花抱柱
闌干四周施花毯草席踏梯一座木質硃紅漆
貼金地五彩雲玲瓏板六塊描金五彩水板十
二塊蹲龍頭四箇以抹金銅釵花葉片裝釘又
鍍金銅鈎四箇金黃線圓絛四條紅油高櫬四
箇跳板四塊黃氊鞦二條是日

上御之舁輦校尉步武均齊中二轅各八人外二轅各
六人共二十八人上應列宿俱黃翎花金頂豹
皮帽紅花衣鷄子鞋左右扶輦鑾儀衛大臣二
員蟒袍補服佩刀又

皇子皇孫俱扶輦隨行輦後內大臣四員領侍衛
三十人執豹尾鎗十桿佩弓箭二十副大刀二
十柄步行雁翅排列左右擁護

次四執事太監百餘人捧

上用服物步隨

次御小轎一乘校尉八人舁之

次侍衛四十員分兩層雁翅步隨前一層二十人各帶弓矢

次侍衛四十員乘馬分兩層雁翅隨擁前一層左右九人各帶弓矢中二人執吉爾單肅自此以後千乘萬騎雲屯雷動蓋莫能盡記焉

萬壽盛典初集卷十一

欽定四庫全書

萬壽盛典初集卷十二

典禮二 鑾儀二

十八日黎明設大駕鹵簿於

太和殿前

皇上陞殿受朝賀羣臣行禮訖隨設行幸儀仗乘輿漆
明轎幸

暢春園臣民重瞻

天仗填溢道左

鑾儀之制凡

皇上陞殿則設大駕鹵簿路輦及象列

兩闕前笮頭以下鼓角金鉦以次陳設旌幢節鉞華

蓋俱在

太和門內夾黃道對列直接御階焉

行幸儀仗蓋

皇上巡方校獵行幸之所設也謹詳其制於左

蒙古號六枝木質空心每枝二節上節長五尺
下節長三尺八寸硃漆貼金藤纏以皮條上
銅鍍金口下鍍花銅鍍金喇叭頭每枝拴紅黃
片金小旂三首

大號八枝

小號八枝制俱同大駕

哨呐八枝管用花梨木長一尺二分徑一寸五
分下銅碗口徑四寸六分上銅口拴黃細絲四

根下有五色線絲總三掛

鼓二面高一尺五寸上口徑一尺二寸下口徑五寸八分木匡冒以草硃漆描金雲龍貼金銅釘鈸環鼓架高三尺硃漆描金雲龍

銅點二箇

銅鈸二對

金鈺四面制同大駕

笛四枝制同大駕

管二枝以烏木為之長六寸八分九孔前七後二兩頭束以象牙以蘆為哨

雲鑼二架架高二尺寬一尺五寸柄長五尺五分頂雕木貼金雙龍頭各懸銅鑼十面繫五色線流蘇二掛

笙二攢以匏為之黑漆上用紫竹十七管中施銅簧下垂綵線流蘇

金二面制同大駕

吾杖三對

立瓜三對

卧瓜三對

御仗三對

星三對已上制俱同大駕惟吾杖稍短

金鉞三對斧頭長九寸寬八寸木鎗頭長八寸

五分竿長五尺六寸餘制同大駕

弓矢十副

大刀十把

鎗十桿

黃小旗一對

赤小旗一對

青小旗一對

白小旗一對

黑小旗一對已上旗俱攢竹為竿上安鍍金鎗
頭飾以紅纓旗長二尺四寸濶三尺三寸通長

八尺六寸餘制同大駕

黃龍燾一對

赤龍燾一對

青龍燾一對

白龍燾一對

黑龍燾一對已上諸燾各濶五尺九寸長三尺九寸竿長一丈二尺餘製同大駕

黃雙龍扇六把徑三尺一寸木胎黃緞面背石

青綾邊紅綾鑲線面繡雙龍背銷金雙龍紅油
攢竹柄扇及柄共高一丈七寸

紅單龍扇四把面繡單龍背銷金單龍黃綾鑲
線餘製同前

黃粧緞傘二把

紅粧緞傘二把

青粧緞傘二把

白粧緞傘二把

黑粧緞傘二把已上諸傘頂徑五尺垂三簷上
簷長一尺一寸中下簷各長九寸風衣二件方
一尺二寸帶二條長三尺寬二寸傘骨竹鑊相
間三十二根紅油攢竹柄長九尺四寸跨綆戳
筒全

拆合明轎一乘金漆雕花草獸面轎身濶二尺
二寸進深一尺八寸三分高三尺四寸地平濶
二尺二寸進深二尺九寸直竿二根各長一丈

七尺橫扛二根各長六尺七寸短扛四根各長
二尺八寸肩扛八根各長六尺撐竿二根各長
一尺七寸俱硃紅漆鍍金銅龍頭尾事件全

大轎一乘單頂硃紅漆轎身濶三尺進深四尺
六寸五分高五尺貼金頂濶三尺八寸進深五
尺六寸五分高八寸黃綾銷金龍瀝水一層直
竿二根各長一丈八尺橫扛二根各長九尺短
扛四根各長二尺七寸肩扛八根各長五尺三

寸撐竿二根各長二尺三寸五分俱硃紅漆轎
頂飾金蹲龍四金頂釵龍文嵌珊瑚青金松子
等石鍍金銅龍頭尾事件全是日

上御之其扶轎大臣及

輦後執事太監扈擁侍衛旗纛弓刀悉如

大駕焉

右大駕鹵簿行幸儀仗二通臣等敬記注於瞻

仰之餘參以會典所載鈔輯撰次都為一篇竊

見帝王輿服歷代相因損益可知汙隆隨世莫
不德與位稱道與器俱然未有如我

皇上之盛者也後漢書云昔者聖人興天下之大利除
天下之大害使天下之民物各得其性命是以
天下之民敬而愛之若親父母夫愛之者欲其
長久不憚力役相與起作宮室上棟下宇以擁
護之欲其長久也敬之者欲其尊嚴不憚勞煩
相與起作輪輿旌旗章表以尊嚴之斯愛之至

敬之極也。蓋禮服之興，所以報功章德。禮曰：其功大者，其樂備；其治辯者，其禮具；德盛者，縉豈誣也哉？昔人皇氏乘雲駕六羽，以遊谷口，堯制彤車，舜鸞車，夏鉤車，殷大輅，周人木輅，加飾為五司常，掌九旗之物，各有其屬，以待國事。此乘輿之本，可攷見者也。秦平九國，兼其車服，故大駕屬車八十一乘，漢興乘輿大駕，公卿奉引，太僕御大將軍，驂乘備千乘萬騎，西都行祀天郊。

甘泉備之百官有其儀注名曰甘泉鹵簿東都
行祠天以法駕祠地明堂省什三祠宗廟尤省
謂之小駕後漢輿服志頗記其槩晉書益詳大
駕鹵簿以象車鼓吹列前繼以官吏導引公卿
或駕駟駕三有司駕一或中道或分左右與戟
楯弓刀節鉞旌旛雜陳警蹕相沿不改唐制七
輦諸仍其舊稍加簫笳橫吹之屬宋初增日月
星辰五方四瀆諸旗史書所記凡三惟政和最

為詳善元明因之間有增損我

國家禮備樂隆兼總百代斟酌繁簡

皇上功德崇隆參兩天地人官有宜物曲有序蓋四海

九州涵泳

恩澤五十餘年於茲矣敬天勤民久而彌篤或有事於
南郊或有事於

太廟孟春祈穀必躬必親四時武功不忘簡閱北平沙漠
南定河工出震向離無歲不與民相見百姓迎

皮軒擁道游望

日轂於九天見

雲旂之五色踴躍歡欣謳歌洋溢揆之古人愛敬之
說其蔑以復加矣夫愛則親焉敬則尊焉尊親
之至則願見焉今恭逢

萬壽普天同慶臣民赴

闕者信宿之間仰瞻

天仗至再至三參差掩映於綵棚之間望

盛德之光輝知

神功之赫濯百音繁會萬靈奔走其可以無記耶然則
鹵簿之陳雖職在有司初非躬見而

聖人之德不見而章不動而變如日月焉歷萬古而光
景常新况乎功彰而飾煥德盛而服尊每歷十
年更逢

大慶所以極臣民之愛敬者寧有涯量哉

萬壽盛典初集卷十二

欽定四庫全書

萬壽盛典初集卷十三

典禮三

祭告一

康熙五十二年三月初六日癸未

皇上允禮臣請於

萬壽節前一日遣官告祭

天

地

太廟

社稷

太常寺謹

奏為恭逢

仁壽昌期籲請舉行大典以迓神貺以慰輿情事准禮

部文稱每遇

萬壽聖節致祭

太廟後殿真武廟東嶽廟城隍廟今歲

聖主六旬大慶非比常年除例祭外伏懇告祭

天

地

太廟

社稷祝文由翰林院撰擬其開列遣官恭設祀品等項

太常寺照例備辦等因具題奉

旨是欽此欽遵到寺相應於

萬壽聖節前期十七日告祭

天壇

地壇

太廟

社稷壇祝文由內閣恭捧賫送四處應各

遣大臣一員行禮為此請

旨康熙五十二年三月十二日摺子啓奏本日奉

旨

天壇遣崇古禮行禮

地壇遣汪吾禮行禮

太廟遣富寧安行禮

社稷壇遣赫碩色行禮

天壇告祭文

維康熙五十二年歲次癸巳三月朔戊寅越十

有七日甲午

嗣天子

臣

恭遣都統

臣

崇古禮敢昭告於

皇天上帝曰

臣

仰荷

景命纘承丕基臨御萬邦勤求上理於今五十二年夙夜孜孜罔敢暇逸惟以上荅

天眷下阜民生為務茲者六旬始屆四方咸寧皆託

鴻庥默垂純佑歷年既久乾惕彌深惟期兆姓之安即為眇躬之福冀邀

帝鑒俯順臣衷俾得時和年豐家給人足俗咸躋於仁壽世共享夫昇平謹

告

地壇告祭文

維康熙五十二年歲次癸巳三月朔戊寅越十

有七日甲午

嗣天子

臣

恭遣都統

臣

汪吾禮敢昭告於

皇地祇曰

臣仰荷

景命纘承丕基臨御萬邦勤求上理於今五十二年夙夜

孜孜罔敢暇逸茲者六旬始屆四方咸寧皆託

鴻庥默垂純佑歷年既久乾惕彌深惟期兆姓之安即為

眇躬之福與邀

神鑒俯順臣衷俾得時和年豐家給人足俗咸躋於仁壽

世共享夫昇平謹

告

太廟告祭文

維康熙五十二年歲次癸巳三月朔戊寅越十

有七日甲午

孝曾孫嗣皇帝

臣

謹遣吏部尚書

臣

富寧安敢

昭告於

太祖承天廣運聖德神功肇紀立極仁孝睿武弘文定業

高皇帝

孝慈昭憲敬順慶顯承天輔聖高皇后

太宗應天興國弘德彰武寬溫仁聖睿孝隆德顯功文皇

帝

孝端正敬仁慈莊敏輔天協聖文皇后

孝莊仁宣誠憲恭懿翊天啓聖文皇后

世祖體天隆運英睿欽文大德弘功至仁純孝章皇帝

孝康慈和莊懿恭惠崇天育聖章皇后曰臣仰荷

景命繼承丕基臨御萬邦勤求上理於今五十二年夙夜

孜孜罔敢暇逸茲者六旬始屆四方咸寧皆託
鴻庥默垂純佑歷年既久乾惕彌深惟期兆姓之安即為
眇躬之福異邀

慈鑒俯順臣衷俾得時和年豐家給人足俗咸躋於仁壽

世共享夫昇平謹

告

社稷壇告祭文

維康熙五十二年歲次癸巳三月朔戊寅越十
有七日甲午

嗣天子

恭遣禮部尚書

臣

赫碩色敢昭告於

太社之神

太稷之神曰朕仰荷

景命纘承丕基臨御萬邦勤求上理於今五十二年夙

夜孜孜罔敢暇逸茲者六旬始屆四方咸寧皆
託

鴻庥默垂純佑歷年既久乾惕彌深惟期兆姓之安即
為眇躬之福冀邀

神鑒俯順余衷俾得時和年豐家給人足俗咸躋於仁
壽世共享夫昇平謹

告

十八日乙未

詔遣官致祭五嶽五鎮四海四瀆長白山及歷代帝王陵寢先師孔子闕里

四月初一日禮部尚書臣赫碩色等謹

題為欽奉

恩詔事康熙五十二年三月十八日恭奉

恩詔一款五嶽四瀆等祀應遣官致祭著察舊例舉行
恩詔又一款歷代帝王陵寢先師孔子闕里應遣官致
祭著察例舉行該臣等查得致祭五嶽五鎮四海四

瀆長白山歷代帝王陵寢先師孔子闕里應照
例將宗人府內閣翰林院六部理藩院都察院
內鑾儀衛等衙門滿漢侍郎以下四品以上堂
官差往致祭其應差官員臣部移文俟各衙門
送到之日開列職名并致祭之處具題恭候

欽點差往其香亭木匣罩袱等項由工部預備降真等
香由戶部預備祭帛由太常寺預備祭文翰林
院撰擬其看守祭文香帛將臣部筆帖式及太

常寺筆帖式酌量差往欽天監選擇吉日起程
致祭官員先期齋戒一日臣部將祭文香帛交
與致祭官員前往所有致祭應用等項行文該
地方官照例備辦俟

命下

臣

部之日照例遵行可也謹

題請

旨本月初三日奉

旨依議

禮部祠祭司為欽奉

恩詔事禮科抄出該本部題前事奉

旨依議欽此欽遵到部相應咨劄各衙門可也

一咨翰林院撰祭文六十道

一咨工部取黃緞銷金雲龍夾袂六十箇盛祭

文竹筒六十箇用紅油漆尺寸與盛

詔書筒一樣帛匣六十箇寫祭文白鹿裱紙六十張香

亭一座龍亭一座御仗一對

一咨戶部取降真香六十柱速香六十包每包重一斤

一劄太常寺取帛六十段派筆帖式

一劄欽天監擇日期

一遣官致祭兀喇地方長白山之神遼東廣寧北鎮醫巫閭山之神混同江北海之神遼東廣寧中屯衛遼太祖陵

祭品

一劄奉天府
一劄太常寺

一行盛京將軍
一行寧古塔將軍

一遣官致祭山東濟南府泰安州東嶽泰山之神
青州府東鎮沂山之神萊州府掖縣東海之神
兗州府曲阜縣少昊金天氏陵兗州府
東平州帝堯陶唐氏陵兗州府曲阜縣先師
孔子闕里

祭品 行山東布政司

一遣官致祭陝西西安府華陰縣西嶽華山之
神鳳翔府隴州西鎮吳山之神延安府中部

縣黃帝軒轅氏陵西安府咸陽縣周文王陵
周武王陵周成王陵周康王陵西安府涇陽
縣漢高祖陵西安府咸安縣漢文帝陵西安
府長安縣漢宣帝陵耀州三原縣唐高祖陵
西安府醴泉縣唐太宗陵華州蒲城縣唐憲
宗陵西安府涇陽縣唐宣宗陵耀州富平縣
後魏文帝陵四川成都府江瀆之神

祭品

一行陝西布政司
一行四川布政司

一遣官致祭河南河南府登封縣中嶽嵩山之
神南陽府唐縣淮瀆之神懷慶府濟瀆之神
開封府陳州太昊伏羲氏陵開封府西華縣
商高宗陵開封府鄭州周世宗陵孟津縣漢
光武帝陵河南府鞏縣宋太祖陵宋太宗陵宋
真宗陵宋仁宗陵

祭品 行河南布政司

一遣官致祭湖廣衡州府衡山縣南嶽衡山之

神衡州府鄆縣炎帝神農氏陵永州府道州
寧遠縣帝舜有虞氏陵

祭品 行湖南布政司

一遣官致祭山西渾源州北嶽恒山之神平陽
府霍州中鎮霍山之神平陽府蒲州西海之
神河瀆之神平陽府趙城縣女媧氏陵平陽
府蒲州榮河縣商湯王陵

祭品 行山西布政司

一遣官致祭浙江紹興府會稽縣南鎮會稽山之神紹興府會稽縣夏禹王陵江南江寧府

明太祖陵

祭品

一行浙江布政司
一行江蘇布政司

一遣官致祭廣東廣州府南海之神

祭品 行廣東布政司

一遣官致祭直隸大名府滑縣顓頊高陽氏陵

帝嚳高辛氏陵大名府內黃縣商中宗陵順

天府房山縣金太祖陵金世宗陵昌平州明
宣宗陵明孝宗陵明世宗陵順天府望祭元
太祖陵元世祖陵

祭品

一行直隸巡撫
一行順天府

每處應用祭品

牛一隻 猪一口 羊一羣 大羹

和羹 鹿醢 兔醢 魚醢

醢醢 豚胎 脾析 芹藟

笋蕈

菁蕈

韭蕈

鹿脯

鮓魚

鉶鹽

榛

菱

芡

棗

栗

白餅

黑餅

黍稷

稻粱

酒

燭

四月初六日禮部尚書

臣赫碩色等謹

題為欽奉

恩詔事據欽天監呈稱康熙五十二年四月二十一日

戊辰宜用辰時

遣官致祭五嶽五鎮四海四瀆長白山等處歷代帝
王陵寢先師孔子闕里吉等語應照選擇吉期
遣官前往致祭照例兀喇地方長白山之神遼東廣
寧北鎮醫巫閭山之神混同江北海之神遣官
一員山東濟南府東嶽泰山之神青州府東鎮
沂山之神萊州府東海之神遣官一員陝西西
安府西嶽華山之神鳳翔府西鎮吳山之神四

川成都府江瀆之神遣官一員河南河南府中
嶽嵩山之神南陽府淮瀆之神懷慶府濟瀆之
神遣官一員湖廣衡州府南嶽衡山之神遣官
一員山西渾源州北嶽恒山之神平陽府霍州
中鎮霍山之神蒲州西海之神河瀆之神遣官
一員浙江紹興府南鎮會稽山之神遣官一員
廣東廣州府南海之神遣官一員河南開封府
太昊伏羲氏陵高宗陵周世宗陵河南府漢

光武帝陵宋太祖陵宋太宗陵宋真宗陵宋仁
宗陵遣官一員湖廣衡州府炎帝神農氏陵永
州府帝舜有虞氏陵遣官一員山西平陽府女
媧氏陵商湯王陵遣官一員陝西延安府黃帝
軒轅氏陵西安府周文王陵周武王陵周成王
陵周康王陵漢高祖陵漢文帝陵漢宣帝陵唐
高祖陵唐太宗陵唐憲宗陵唐宣宗陵後魏文
帝陵遣官一員山東兗州府少昊金天氏陵帝

堯陶唐氏陵先師孔子闕里遣官一員直隸大名府
顓頊高陽氏陵帝嚳高辛氏陵商中宗陵
順天府金太祖陵金世宗陵明宣宗陵明孝宗陵
明世宗陵起輦谷地方元太祖陵元世祖陵
遣官一員例有元太祖元世祖在順天府望祭
今此遣官亦在順天府望祭浙江紹興府夏禹
王陵江南江寧府明太祖陵遣官一員遼東廣
寧遼太祖陵遣官一員此十六處應將各部院

衙門送到應差官員職名開列具題恭候

欽點差往其差往官員筆帖式由兵部照例給發勘合
可也為此謹

題本月十三日奉

旨恩詔內有各直省綠旗兵丁俱應加賞賚一款今各
省鎮廟等處遣官致祭其賞賚綠旗兵丁之事即著
致祭官員帶同監賞一次即可完畢不必再差且不
致重複騷擾驛站若無祭祀省分另派官員前往這

所差著查八旗副都統以下叅領以上并各部院衙門堂官開列具奏

四月十六日禮部等部尚書

臣赫碩色等謹

題為欽奉

恩詔事

全疏載第三十六卷賞兵條中

本月二十二日奉

旨長白山醫巫閭山等處遣覺羅歪三致祭遼太祖陵遣殷濟納致祭南海遣馬雲霄致祭額碩高陽氏等陵遣王臣致祭黃帝軒轅氏等陵遣蔡升元致祭西

嶽華山及江瀆等處遣查弼納致祭南鎮會稽山遣
拉都渾致祭夏禹王陵及明太祖陵遣周起渭致祭
東嶽泰山等處遣孫柱致祭少昊金天氏等陵孔子
闕里遣廖騰燧致祭中嶽嵩山等處遣李先復致祭
太昊伏羲氏等陵遣明安致祭南嶽衡山遣羅占致
祭炎帝神農氏等陵遣陳汝咸致祭女媧氏等陵遣
鄒士璉致祭北嶽恒山等處遣李敏啓致祭江西賞
賚綠旗兵丁著額爾氣去福建賞賚綠旗兵丁著穆

賽去廣西賞賚綠旗兵丁著許廷臣去雲南賞賚綠
旗兵丁著瓦哈立去貴州賞賚綠旗兵丁著朱廷柱
去餘依議

欽定四庫全書

萬壽盛典初集卷十四

典禮三

祭告二

五月初十日丙戌昧爽

欽差致祭官員齊赴禮部領香帛祭文

御仗分詣直省

禮部祠祭司為欽奉

恩詔事禮科抄出本部等部題前事康熙五十二年四

月十六日題本月二十二日奉

旨長白山醫巫閭山等處遣覺羅丕三致祭遼太祖陵
遣殷濟納致祭南海遣馬雲霄致祭額項高陽氏等
陵遣王臣致祭黃帝軒轅氏等陵遣蔡升元致祭西
嶽華山及江瀆等處遣查弼納致祭南鎮會稽山遣
拉都渾致祭夏禹王陵及明太祖陵遣周起渭致祭
東嶽泰山等處遣孫柱致祭少昊金天氏等陵孔子
闕里遣廖騰燧致祭中嶽嵩山等處遣李先復致祭

太昊伏羲氏等陵遣明安致祭南嶽衡山遣羅占致祭炎帝神農氏等陵遣陳汝咸致祭女媧氏等陵遣鄒士聰致祭北嶽恒山等處遣李敏啓致祭江西賞賚綠旗兵丁著額爾氣去福建賞賚綠旗兵丁著穆賽去廣西賞賚綠旗兵丁著許廷臣去雲南賞賚綠旗兵丁著瓦哈立去貴州賞賚綠旗兵丁著朱廷柱去餘依議欽此欽遵到部隨劄欽天監另選得五月

初十日寅時吉等語相應知會派往致祭官員

於初九日齋戒一日初十日早俱齋集本部領
香帛祭文

御仗肅牌傘等項前往致祭可也

頭等侍衛覺羅歪三之兀喇地方及遼東祭長
白山之神北鎮醫巫閭山之神混同江北海之
神

副都統馬雲霄之廣東祭南海之神

內閣侍讀學士查弼納之陝西四川祭西嶽華

山之神西鎮吳山之神江瀆之神

內閣侍讀拉都渾之浙江祭南鎮會稽山之神
吏部左侍郎孫柱之山東祭東嶽泰山之神東
鎮沂山之神東海之神

兵部左侍郎李先復之河南祭中嶽嵩山之神
淮瀆之神濟瀆之神

通政司左通政兼叅領羅占之湖廣祭南嶽衡
山之神

太常寺卿李敏啓之山西祭北嶽恒山之神中
鎮霍山之神西海之神河瀆之神

閒散大臣殷濟納之遼東祭遼太祖陵

副都統王臣之近畿祭顯項高陽氏陵帝嚳高

辛氏陵商中宗陵金太祖陵金世宗陵明宣宗

陵明孝宗陵明世宗陵在順天府望祭元太祖

陵元世祖陵

內閣學士兼禮部侍郎蔡升元之陝西祭黃帝

軒轅氏陵周文王陵周武王陵周成王陵周康
王陵漢高祖陵漢文帝陵漢宣帝陵唐高祖陵
唐太宗陵唐憲宗陵唐宣宗陵後魏文帝陵

日講官起居注翰林院侍講學士周起渭之浙
江江南祭夏禹王陵明太祖陵

戶部右侍郎廖騰燧之山東祭少昊金天氏陵
帝堯陶唐氏陵先師孔子闕里

左副都御史明安之河南祭太昊伏羲氏陵商

高宗陵周世宗陵漢光武帝陵宋太祖陵宋太宗陵宋真宗陵宋仁宗陵

通政司右叅議陳汝咸之湖廣祭炎帝神農氏陵帝舜有虞氏陵

內閣學士兼禮部侍郎鄒士璉之山西祭女媧氏陵商湯王陵

祭長白山文

維康熙五十二年歲次癸巳 月 朔越

日

皇帝遣頭等侍衛覺羅丕三致祭於

長白山之神曰維 神天作崇高地鍾靈異發祥有

自延祚無疆朕纘受鴻圖撫臨區宇殫思上理

夙夜勤求惟日孜孜不遑暇逸茲御極五十餘

年適當六旬初屆所幸四方寧謐百姓乂和稼

穡歲登風雨時若維庶徵之協應爰羣祀之虔

修特遣帑官式循舊典奠益贊雍熙之運尚永

貽仁壽之休俯鑒精忱用垂歆格

祭北鎮醫巫閭山文

維康熙五十二年歲次癸巳 月

朔越

日

皇帝遣頭等侍衛覺羅奎三致祭於

北鎮醫巫閭山之神曰維 神永障遼陽肇封虞代

靈威有赫作鎮北方朕纘受鴻圖撫臨區宇殫

思上理夙夜勤求惟日孜孜不遑暇逸茲御極

五十餘年適當六旬初屆所幸四方寧謐百姓
乂和稼穡歲登風雨時若維庶徵之協應爰羣
祀之虔修特遣崇官式循舊典冀益贊雍熙之
運尚永貽仁壽之休俯鑒精忱用垂歆格

祭北海文

維康熙五十二年歲次癸巳 月 朔越

日

皇帝遣頭等侍衛覺羅歪三致祭於

北海之神曰維

神靈協天池位尊北陸羣生永賴

大澤無涯朕纘受鴻圖撫臨區宇殫思上理夙
夜勤求惟日孜孜不遑暇逸茲御極五十餘年
適當六旬初屆所幸四方寧謐百姓乂和稼穡
歲登風雨時若維庶徵之協應爰羣祀之虔修
特遣崇官式循舊典冀益贊雍熙之運尚永貽
仁壽之休俯鑒精忱用垂歆格

祭南海文

維康熙五十二年歲次癸巳 月 朔越

日

皇帝遣副都統馬雲霄致祭於

南海之神曰維 神德協離明功高長養永資廣利

流潤炎荒朕纘受鴻圖撫臨區宇殫思上理夙

夜勤求惟日孜孜不遑暇逸茲御極五十餘年

適當六旬初屆所幸四方寧謐百姓乂和稼穡

歲登風雨時若維庶徵之協應爰羣祀之虔修

特遣尚官式循舊典興益贊雍熙之運尚永貽
仁壽之休俯鑒精忱用垂歆格

祭西嶽華山文

維康熙五十二年歲次癸巳 月 朔越

日

皇帝遣內閣侍讀學士查弼納致祭於

西嶽華山之神曰維 神少昊儲精崑崙競秀祥流

仙掌澤布靈池朕纘受鴻圖撫臨區宇殫思上

理夙夜勤求惟日孜孜不遑暇逸茲御極五十
餘年適當六旬初屆所幸四方寧謐百姓人和
稼穡歲登風雨時若維庶徵之協應爰羣祀之
虔修特遣耑官式循舊典冀益贊雍熙之運尚
永貽仁壽之休俯鑒精忱用垂歆格

祭西鎮吳山文

維康熙五十二年歲次癸巳 月 朔越

日

皇帝遣內閣侍讀學士查弼納致祭於

西鎮吳山之神曰維 神秀秉金天功齊華嶽靈威

有赫作鎮西方朕纘受鴻圖撫臨區宇殫思上
理夙夜勤求惟日孜孜不遑暇逸茲御極五十
餘年適當六旬初屆所幸四方寧謐百姓乂和
稼穡歲登風雨時若維庶徵之協應爰羣祀之
虔修特遣耑官式循舊典興益贊雍熙之治尚
永貽仁壽之休俯鑒精忱用垂歆格

祭江瀆文

維康熙五十二年歲次癸巳 月 朔越

日

皇帝遣內閣侍讀學士查弼納致祭於

江瀆之神曰維 神岷山導源南國作紀百川並納

九派同歸朕纘受鴻圖撫臨區宇殫思上理夙

夜勤求惟日孜孜不遑暇逸茲御極五十餘年

適當六旬初屆所幸四方寧謐百姓乂和稼穡

歲登風雨時若維庶徵之協應爰羣祀之虔修
特遣崇官式循舊典冀益贊雍熙之治尚永貽
仁壽之休俯鑒精忱用垂歆格

祭南鎮會稽山文

維康熙五十二年歲次癸巳 月 朔越

日

皇帝遣內閣侍讀拉都渾致祭於

南鎮會稽山之神曰維 神秀挺越山功施浙水靈

威有赫作鎮南方朕纘受鴻圖撫臨區宇殫思
上理夙夜勤求惟日孜孜不遑暇逸茲御極五
十餘年適當六旬初屆所幸四方寧謐百姓乂
和稼穡歲登風雨時若維庶徵之協應爰羣祀
之虔修特遣耑官式循舊典冀益贊雍熙之治
尚永貽仁壽之休俯鑒精忱用垂歆格

祭東嶽泰山文

維康熙五十二年歲次癸巳 月 朔越

日

皇帝遣吏部左侍郎孫柱致祭於

東嶽泰山之神曰維 神名著岱宗位尊喬嶽發生

庶類膏澤東維朕纘受鴻圖撫臨區宇殫思上
理夙夜勤求惟日孜孜不遑暇逸茲御極五十
餘年適當六旬初屆所幸四方寧謐百姓人和
稼穡歲登風雨時若維庶徵之協應爰羣祀之
虔修特遣耑官式循舊典興益贊雍熙之治尚

永貽仁壽之休俯鑒精忱用垂歆格

祭東鎮沂山文

維康熙五十二年歲次癸巳 月 朔越

日

皇帝遣吏部左侍郎孫柱致祭於

東鎮沂山之神曰維 神望配岱宗澤流海國靈威
有赫作鎮東方朕纘受鴻圖撫臨區宇殫思上
理夙夜勤求惟日孜孜不遑暇逸茲御極五十

餘年適當六旬初屆所幸四方寧謐百姓之和
稼穡歲登風雨時若維庶徵之協應爰羣祀之
虔修特遣耑官式循舊典冀益贊雍熙之治尚
永貽仁壽之休俯鑒精忱用垂歆格

祭東海文

維康熙五十二年歲次癸巳

月

朔越

日

皇帝遣吏部左侍郎孫柱致祭於

東海之神曰維 神秀啓扶桑祥徵析木百川向若
萬壑朝宗朕纘承鴻圖撫臨區宇殫思上理夙
夜勤求惟日孜孜不遑暇逸茲御極五十餘年
適當六旬初屆所幸四方寧謐百姓乂和稼穡
歲登風雨時若維庶徵之協應爰羣祀之虔修
特遣帛官式循舊典奠苙贊雍熙之治尚永貽
仁壽之休俯鑒精忱用垂歆格

祭中嶽嵩山文

維康熙五十二年歲次癸巳 月 朔越

日

皇帝遣兵部左侍郎李先復致祭於

中嶽嵩山之神曰維 神宅土居中極天表峻儲精

二室被德羣生朕纘承鴻圖撫臨區宇殫思上

理夙夜勤求惟日孜孜不遑暇逸茲御極五十

餘年適當六旬初屆所幸四方寧謐百姓人和

稼穡歲登風雨時若維庶徵之協應爰羣祀之

虔修特遣耑官式循舊典冀益贊雍熙之治尚
永貽仁壽之休俯鑒精忱用垂歆格

祭淮瀆文

維康熙五十二年歲次癸巳 月 朔越

日

皇帝遣兵部左侍郎李先復致祭於

淮瀆之神曰維 神源導胎簪派分桐柏黃流並入

潁水同清朕纘承鴻圖撫臨區宇殫思上理夙

夜勤求惟日孜孜不遑暇逸茲御極五十餘年
適當六旬初屆所幸四方寧謐百姓乂和稼穡
歲登風雨時若維庶徵之協應爰羣祀之虔修
特遣耑官式循舊典奠苴贊雍熙之治尚永貽
仁壽之休俯鑒精忱用垂歆格

祭濟瀆文

維康熙五十二年歲次癸巳 月 朔越

日

皇帝遣兵部左侍郎李先復致祭於

濟瀆之神曰維

神隱見分流潔清秉德安瀾千里

沛澤羣生朕纘承鴻圖撫臨區宇殫思上理夙
夜勤求惟日孜孜不遑暇逸茲御極五十餘年
適當六旬初屆所幸四方寧謐百姓乂和稼穡
歲登風雨時若維庶徵之協應爰羣祀之虔修
特遣耑官式循舊典冀並贊雍熙之治尚永貽
仁壽之休俯鑒精忱用垂歆格

祭南嶽衡山文

維康熙五十二年歲次癸巳 月 朔越

日

皇帝遣通政司左通政兼叅領羅占致祭於

南嶽衡山之神曰維 神表正離宮綱維南紀靈鍾

岫嶠秀挺祝融朕纘承鴻圖撫臨區宇殫思上

理夙夜勤求惟日孜孜不遑暇逸茲御極五十

餘年適當六旬初屆所幸四方寧謐百姓乂和

稼穡歲登風雨時若維庶徵之協應爰羣祀之
虔修特遣耑官式循舊典冀益贊雍熙之治尚
永貽仁壽之休俯鑒精忱用垂歆格

祭北嶽恒山文

維康熙五十二年歲次癸巳 月 朔越

日

皇帝遣太常寺卿李敏啓致祭於

北嶽恒山之神曰維 神標鎮冀方鍾靈北陸綱維

坤軸拱衛神京朕纘承鴻圖撫臨區宇殫思上
理夙夜勤求惟日孜孜不遑暇逸茲御極五十
餘年適當六旬初屆所幸四方寧謐百姓乂和
稼穡歲登風雨時若維庶徵之協應爰羣祀之
虔修特遣耑官式循舊典冀益贊雍熙之治尚
永貽仁壽之休俯鑒精忱用垂歆格

祭中鎮霍山文

維康熙五十二年歲次癸巳 月

朔越

日

皇帝遣太常寺卿李敏啓致祭於

中鎮霍山之神曰維神德配嵩高位侔衡嶽靈威

有赫作鎮中邦朕纘承鴻圖撫臨區宇殫思上

理夙夜勤求惟日孜孜不遑暇逸茲御極五十

餘年適當六旬初屆所幸四方寧謐百姓乂和

稼穡歲登風雨時若維庶徵之協應爰羣祀之虔

修特遣端官式循舊典興益贊雍熙之治尚永

貽仁壽之休俯鑒精忱用垂歆格

祭西海文

維康熙五十二年歲次癸巳 月

朔越

日

皇帝遣太常寺卿李敏啓致祭於

西海之神曰維 神廣納坎流長涵允澤百川永奠
萬寶告成朕纘承鴻圖撫臨區宇殫思上理夙
夜勤求惟日孜孜不遑暇逸茲御極五十餘年

適當六旬初屆所幸四方寧謐百姓乂和稼穡
歲登風雨時若維庶徵之協應爰羣祀之虔修
特遣崇官式循舊典冀益贊雍熙之治尚永貽
仁壽之休俯鑒精忱用垂歆格

祭河瀆文

維康熙五十二年歲次癸巳 月 朔越

日

皇帝遣太常寺卿李敏昭致祭於

河瀆之神曰維 神派衍星源精符雲漢百川咸納
四瀆稱宗朕纘承鴻圖撫臨區宇殫思上理夙
夜勤求惟日孜孜不遑暇逸茲御極五十餘年
適當六旬初屆所幸四方寧謐百姓乂和稼穡
歲登風雨時若維庶徵之協應爰羣祀之虔修
特遣耑官式循舊典興益贊雍熙之治尚永貽
仁壽之休俯鑒精忱用垂歆格

祭太昊伏羲文

歷代帝王文同

維康熙五十二年歲次癸巳 月 朔越

日

皇帝遣左副都御史明安致祭於

太昊伏羲氏曰自古帝王繼天出治建極綏猷莫不澤
被生民仁周寰宇朕躬膺寶厯仰紹前徽夙夜
孜孜不遑暇逸茲御極五十餘年適當六旬初
屆所幸四方寧謐百姓乂和稼穡歲登風雨時
若維庶徵之協應爰羣祀之虔修特遣崇官式

循舊典興益贊雍熙之治尚永貽仁壽之休俯
鑒精忱用垂歆格

祭先師孔子文

維康熙五十二年歲次癸巳 月 朔越

日

皇帝遣戶部右侍郎廖騰燧致祭於

先師孔子曰仰惟 先師德符三極道冠百王集羣
聖之大成垂萬世之至教朕高山仰止嚮往維

殷夙夜孜孜不遑暇逸茲御極五十餘年適當
六旬初屆所幸四方寧謐百姓乂和稼穡歲登
風雨時若維庶徵之協應爰羣祀之虔修特遣
崇官式循舊典冀益贊雍熙之治尚永貽仁壽
之休俯鑒精忱用垂歆格

臣聞至治馨香感於神明黍稷非馨明德惟馨
盖王者德業隆盛治道光昌而後郊焉天神格
廟焉人鬼享幽明合漠之故非偶然也粵稽皇

古以來國有大慶則有告祭之禮其巡狩征伐
望禋類禡不在慶典至於常星不見之夜祥光
照室之期肇修祀典天地交通神人和悅史冊
所傳未之有也我

皇上道侔天地化洽神人咸五帝登三王文德武功被
四表而格上下平時敬

天尊

祖每逢祀典必躬必親懷柔百神及河喬嶽

幸曲阜則躬奠孔林

幸會稽則親祭大禹羣祀咸修萬靈和協休哉至治久矣光於神明矣茲

萬壽六旬普天率土莫不喁喁向風以身際太平躬逢盛事歡欣鼓舞於光天化日之下民氣悅和至此而極以是而交於神明其感格當更有出於黍稷馨香之外者乃際此昌期

特修祀典因禮臣之請而

天地

太廟社稷

命大臣而行禮因

恩詔之頒而五嶽五鎮四海四瀆歷代帝王先師闕里
遣重臣而分祭燔蕭濯鬯感格陰陽玉帛犧牲交馳海
宇凡茲承祭諸臣莫不仰體

聖心寅恭肅穆以供乃事煌煌鉅典可不謂隆歟有唐
開元肇興聖節亦有報賽之文然黃冠土鼓僅

息田夫沈貍臨辜未全古法賽白帝豈如祭

天地

祖宗之隆報田祖豈如祭名山大川歷代帝王之重所謂
上明元天光啟大聖下彰皇化垂裕無窮以今
視昔規模大小豈得並論哉至若禮臣議奏不
過循例將應遣官員列名上請已耳

皇上以監賞之事即寄之致祭之官差遣不致重複郵
傳免於繹騷一祀事也而恤兵愛民規畫盡善

於以知

聖天子冲穆之衷運六合於一心涵萬幾於宥密故隨
所措施凡有裨於民者無不兼舉而並行之敬
神即以勤民誠民因以凝休由是而錫眉壽介
繁祉
垂拱萬年與天無極豈非人和神悅之所必至哉

萬壽盛典初集卷十四